

(nuorttalašgiella/skoltsamiska)



## GOLLEGIELLA –

# Tâ'vvjânnmallaš sää'mkiõl Kiõllcistt jue'jjet čâhčča 2022

GOLLEGIELLA – tâ'vvjânnmallaš sää'mkiõl kiõllcistt jue'jjet ááucad vuára čâhčča 2022  
sää'maa'sšin va'stteei ministee'ri da sää'mtee'gǵ saaggjää'đtee'ji kaaunõõttmest, kää'tt riâžžât  
čõõuč looppâst Ruõccâst. Cistt miõđât õõoutoummid le'be õõutstõõzzid Taarrâst, Ruõccâst,  
Lää'ddjânnmest le'be Ruõššjânnmest sää'mkiõli ooudâsviikkmoõžžâst.

Gollegiella ciist liâ alttääm sää'maa'sšin Taarrâst, Ruõccâst, Lää'ddjânnmest va'stteei ministee'r da  
tâi jânnmi sää'mtee'gǵ saaggjää'đteei. Ciist jue'kķeš vuõssmõs vuára ee'jjest 2004 da tõn jue'jjet  
juõ'kķ nuu'bb ee'jj. Cistt lij sorradvuõđ mie'ldd 15 000 eu'rred.

### Kiõllciist täävtõs

Kiõllciist täävtõssân lij mie'ttvaaikted sää'mkiõli tuõ'll'jummsa, ooudâs viikkmo'sše le'be  
seillmõ'sše Taarrâst, Ruõccâst, Lää'ddjânnmest da Ruõššjânnmest.

### Kii vuäitt vuäžžad ciist?

Kiõllcistt miõđât õõoutoummid, jooukid le'be õõutstõõzzid (ml. õõhtõõzz, stroi'ttel), kook liâ  
vuäžžam meriittid taimjee'l miârkteinalla sää'mkiõli ooudâsviikkmoõžž, tuõ'll'jummuž da  
seillmõõžž diõtt. Kiõllcistt vuei'tet miõttâd ouddmiârkkân ķeerjlaž, njäälmlaž le'be jee'res  
tuâjain, kook vuei'tte kuõskkâd veiddsânji jee'res taimmsuõ'rjid. Ciist vuei'tet jue'kķed  
määng ciistvuäžžai kõõskâst.

### I'Immet jiijjad võborsee'kķ!

Õõoutoumaž, joukk le'be õõutstõs Taarrâst, Ruõccâst, Lää'ddjânnmest da Ruõššjânnmest  
vuäitt tuejjeed jiijjâs e'tkķõõzz ee'jj 2022 ciist vuäžžjest. E'tkķõs ciist vuäžžjen da jäänmõsân 1-  
2 seeid ķeerjlaž vuâđđõõttmõš âlgg tääimted **mââimõõzzâst 07.08.2022** addrõ'sse:

[gollegiella@sametinget.se](mailto:gollegiella@sametinget.se)

Gollegiella

Sametinget

Box 90

SE-981 22 Giron/Kiruna

### Lââ'ssteâdaid õudd:

Anita Kitok, ärvvtõõllâmkomitea piisar

[anita.kitok@sametinget.se](mailto:anita.kitok@sametinget.se)

+ 46 (0)980-681 98